

FIF – Regionalni CSP MSP - ISP BiH II¹

Zemlja:	BOSNA I HERCEGOVINA
Identifikacioni broj projekta:	52415
Poslovni sektor:	Depozitarni kredit (banke)
Vrsta:	PRIVATNI SEKTOR
Okolišna kategorija:	FI
Predviđeni datum razmatranja na Upravnom odboru:	24. novembar 2020.
Status:	Odobren
Datum objavljivanja KOP-a:	25. novembar 2020.

Opis projekta

Davanje zajma bez instrumenta osiguranja Intesa SanPaolo banci d.d. Bosna i Hercegovina („Preduzeće“ ili „ISP BiH“) u iznosu do 10 miliona EUR u okviru Regionalnog programa podrške konkurentnosti malih i srednjih preduzeća (CSP MSP) u dvije jednake tranše. Za zajam će u potpunosti jamčiti Intesa Sanpaolo SpA (Italija).

Ciljevi projekta

Projekat će podržati investicije u mala i srednja preduzeća s ciljem unapređenja proizvodnih pogona i poštivanja direktiva EU u oblasti zaštite okoliša, sigurnosti radnika i proizvoda i kvaliteta proizvoda. Investicije će biti odabrane na osnovu tehničkih i finansijskih kriterija prihvatljivosti utvrđenih u Izjavi o politici za Program podrške konkurentnosti malih i srednjih preduzeća na Zapadnom Balkanu (CSP WB). Podrška malim i srednjim preduzećima osmišljena je kao kombinacija pristupa finansiranju sa tehničkom saradnjom i pomoći koja ne podrazumijeva tehničku saradnju. Najmanje 60% prihoda bit će upotrijebljeno za finansiranje investicija koje ispunjavaju zahtjeve tranzicije ka zelenoj ekonomiji (GET) u skladu sa Izjavom o politici.

Tranzicijski učinak

Očekivani tranzicijski učinak (ETI) 60

¹ FIF – Okvir EBRD-a za finansijske posrednike; CSP MSP – Program podrške konkurentnosti malih i srednjih preduzeća (prim. prev.)

Projekat doprinosi ciljevima Regionalnog programa podrške konkurentnosti malih i srednjih preduzeća, podržavajući tranzicijske kvalitete konkurentnosti i otpornosti.

Konkurentnost: Projekat će doprinijeti u: (i) pružanju podrške malim i srednjim preduzećima u pogledu pristupa finansiranju na putu ka investicijama koje ispunjavaju standarde EU; i (ii) pružanju pomoći malim i srednjim preduzećima u pogledu pristupa savjetima i znanju s ciljem uvođenja i primjene standarda EU i postizanja konkurentnosti.

Otpornost: Od korisnika podzajmova očekivat će se da budu komercijalno održivi, što će se odražavati u očekivanoj visokoj stručnosti u preuzimanju rizika i adekvatnom kvalitetu portfolia partnerskih finansijskih institucija (PFI).

Podaci o klijentu

INTESA SANPAOLO BANKA d.d. BOSNA I HERCEGOVINA

ISP BiH je treća po veličini banka u Bosni i Hercegovini sa imovinom u vrijednosti od 1.193,5 miliona EUR i učešćem na tržištu od 7,2% prema ukupnoj imovini, 8,0% prema kreditima za stanovništvo i 7,0% prema depozitima stanovništva s krajem 2019. godine. Banka ima sjedište u Sarajevu i pruža usluge na cijeloj teritoriji BiH, kako elektronskim kanalima tako i putem mreže od 48 poslovnica. S krajem 2019. godine, banka je imala 556 zaposlenih.

Finansiranje od EBRD-a

10.000.000,00 EUR

Ukupna vrijednost projekta

10.000.000,00 EUR

Sažetak informacija o okolišnim i socijalnim pitanjima

Spada u kategoriju FI prema Okolišnoj i socijalnoj politici EBRD-a iz 2019. godine (ESP 2019). ISP BiH je postojeći klijent EBRD-a i njen dosadašnji učinak sa postojećom izloženosti bio je zadovoljavajući. ISP BiH morat će i dalje ispunjavati EBRD-ove Provedbene zahtjeve (PR) 2, 4 i 9, provoditi EBRD-ove postupke upravljanja okolišnim i socijalnim rizicima za zajmove korporacijama, malim, srednjim i mikro preduzećima, uključujući poštivanje EBRD-ove proširene Liste izuzeća i Liste preporuka uvedenih Okolišnom i socijalnom politikom iz 2019. godine (ESP 2019), te podnositi Banci godišnje izvještaje o okolišnim i socijalnim pitanjima. Korisnici podzajmova koji se finansiraju iz zajma ISP BiH morat će se pridržavati nacionalnih zahtjeva u pogledu zaštite okoliša, zdravlja, sigurnosti i rada (EHSL).

Tehnička saradnja

Tehnička saradnja: uključivat će podršku za programske konsultante koji će pomagati u provedbi, marketingu i praćenju Programa, te zasebnu provjeru tehničke provedbe investicija korisnika podzajmova prije nego što se izvrši isplata poticaja.

Koinvesticijska potpora: 1,5 miliona EUR za investicijske poticaje korisnicima podzajmova za provedbu investicija koje ispunjavaju uvjete u skladu sa Izjavom o politici za Program podrške konkurentnosti.

Dodana vrijednost

Dodana vrijednost postiže se kombiniranjem neophodnog dugoročnog finansiranja u formi zajma sa tehničkom podrškom i ciljanim investicijskim poticajima u paket što promovira investicije koje će unaprijediti konkurentnost lokalnih malih i srednjih preduzeća.

Kontakt u Preduzeću

Murat Cengic
murat.cengic@intesasanpaolobanka.ba
+387 33 49 77 11
+387 33 49 78 18
www.intesasanpaolobanka.ba
Obala Kulina bana 9a 71000 Sarajevo Bosna i Hercegovina

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168
E-pošta: projectenquiries@ebrd.com

Za projekte u državnom sektoru, molimo posjetite stranicu [EBRD Nabavke](#):

Tel.: +44 20 7338 6794
E-pošta: procurement@ebrd.com

Opći upiti

Posebni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani provedbeni zahtjevi (PR) utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnoj i socijalnoj politici](#) ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnositelja zahtjeva može, na njegov zahtjev, ostati zaštićen.